

**Raajanut akitsuutit pillugit Inatsisartut inatsisaata allanngortinneqarnissaa pillugu
Inatsisartut inatsisissaattut siunnersuut**

Aningaasaqarnermut Naalakkersuisumit saqqummiunneqartoq

pillugu

Aningaasaqarnermut Akileraartarnermullu Ataatsimiititaliap

ISUMALIUTISSIISUTAA

Siunnersuutip aappassaaneerneqarnerani saqqummiunneqartoq

Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Andreas Uldum, Demokraatit, siulittaasoq

Inatsisartunut ilaasortaq Olga P. Berthelsen, Inuit Ataqatigiit, siulittaasup tullia

Inatsisartunut ilaasortaq Juliane Henningsen, Inuit Ataqatigiit

Inatsisartunut ilaasortaq Aqqaluaq Egede, Inuit Ataqatigiit

Inatsisartunut ilaasortaq Siverth K. Heilmann, Atassut

Inatsisartunut ilaasortaq Jens Immanuelsen, Siumut

Inatsisartunut ilaasortaq Finn Karlsen, Siumut

UKA 2011-mi 29. september 2011-mi siullermeerinerup kingorna siunnersuut ataatsimiititaliamit misissorneqarpoq.

Siunnersuutip imarisaa siunertaalu

Siunnersuutigineqarpoq raajanut akitsuutip naatsorsorneqarnerani aallaavissamik nutaamik atuutilersitsisoqassasoq, tassa nunanut allanut nioqquteqartup assartuinermi aningaasartuutit tunisinermi akip naatsorsornerani ilanngussimangikkaangagit atorneqartussamik.

Siunnersuutip kingunerissavaa nunanut allanut nioqquteqartut, Kalaallit Nunaata nassiusiviusullu akornanni assartuinermi aningaasartuuteqanngitsut akitsuut akiligassartik aallaavissaq kiilumut 10,70 kr.-inik aallaaveqartoq tunngavigalugu naatsorsortassagaat, nunanullu allanut nioqquteqartut assartuinermi aningaasartuuteqartut aallaavissaq maannamut atuttoq kiilumut 11,70 kr.-iusoq aallaavigalugu akitsuummik naatsorsuisassallutik.

Siunnersuutip Inatsisartunit siullermeerneqarnera
Siunnersuut siullermeerinerimi tapersorsorneqarluarpoq.**Tusarniaanermit akissutit**

Siunnersuutip suliarineqarneranut atatillugu tusarniakkanit marlunnit akissutit tiguneqarput. Tusarniaanermit akissutit siunnersummut nassuaatini pisariaqarneratut sammineqartut ataatsimiitaliaq isumaqarpoq.

Siunnersuutip aningaasaqarnikkut kingunissai

Siunnersuutip piviusunngortinnejnarnerani aningaasatigut kingunerisassat siunnersummut nalinginnaasumik nassuaatini nassuaatigineqarput. Taakkunani allassimavoq allannguineq 3 mio. kr.-it missaannik isertitaqarnerunermik kinguneqartussatut ataatsimut nalilerneqartoq.

Isertitaqarnerussutissat 2012-imut aningaasanut inatsisissatut siunnersummi ilaanngitsut ataatsimiitaliamit oqaatigineqassaaq, taamaattumillu 2012-imut aningaasanut inatsisissatut siunnersuutip aappassaaneerneqarnissaanut tamanna pillugu allannguutissatut siunnersummik Naalakkersuisut saqqummiussissasut naatsorsuutigineqarpoq.

Ataatsimiitaliap inassuteqaatai

Tamanna tunngavigalugu ataatsimiitaliap isumaqatigiittup siunnersuut
akuersissutigineqassasoq inassutigaa.

Taama oqaaseqarluni isumaliutissiisummilu alassimasutut paasinnilluni ataatsimiititaliap siunnersuut aappassaaniigassannngortippaa.

Andreas Uldum, Siulittaasoq

Olga P. Berthelsen

Juliane Henningsen

Aqqaluaq Egede

Siverth K. Heilmann

Jens Immanuelsen

Finn Karlsen